

病辭力疾以行卒於道無子以叅知門下府事金立堅代尹虎
行○庚子西方赤祲○壬寅禮曹典書李敏道等上書曰有國
之典惟祀為大古之人當祭之時七日戒三日齋而天神格人
鬼享皆由已以致之也孔子曰祭如在祭神如神在又曰吾不
與祭如不祭伏望 殿下其於 宗廟籍田之祭必須七日戒
三日齋躬親酌獻垂法後世如有故令世子攝之○癸卯 命
判中樞院事南閭致奠于尹虎之殯

太祖康獻大王實錄卷第三